

四庫全書

子部

欽定四庫全書

赤水元珠卷二十七下

明 孫一奎 撰

原痘發五藏之故

痘分五藏以辨順險逆三候向未有明言其故者鎖言論之而其理乃悉蓋痘為胎毒原於父母絪縕之氣藏於命門遇感而發未有不自腎而出者第父母之施受有純駁則所蘊之氣有清濁氣有清濁則發有緩暴緩

暴之間藏象見而順險逆呈焉矣緩者必其氣清氣清則毒輕一任氣領血載徐徐而來觸發於蘊藏之地漸而升於脾絡自脾而行於肝次第而至於心肺上乘之地乃始分布於外熱故得以和緩越三日而見標漸漸而出先於頭面次及於身以至四體貫漿結痂亦自上而下所以謂心肺之痘為上氣之濁者其毒湧盛遇有感觸非若清者之從容緩布也一出本位燔熱燥渴經於脾絡一及於肝毒其莫禦非領毒之氣受壅即載毒

之血被灼所以熱不三日而即見不暇論其形色各症
第驗筋抽脉惕之象而証已非輕矣所以肝經之痘為
險有未及乎肝而於脾即發者勢尤猛烈一出本位毒
即猖狂氣血俱受其困凡通藏府無不見其凶象第驗
其腹痛唇焦其餘症自惡矣此險中帶逆者也若濁之
極者一觸其竅熱如炮烈未及離乎本位毒即肆虐并
亦不容分布氣受其錮血受其瘀凡通腎藏之地無不
聽其攻擊即如腰如被杖屈不能伸卜其喪無日矣要

知五藏見症皆出於腎第腎為稟受之地諸藏為分布之所緩急關生死之界緩一步則毒輕一步緩而至於心緩之至者肺則次之故心肺為順肝則界於緩急之間故為險於脾則急矣腎則急而更急若迅雷之不及掩耳故為逆然則腎痘之不救以人力之不及施也若謂腎不受毒諸藏獨可以受毒乎更有變黑歸腎之說謂黑為腎色然則赤當歸心青當歸肝黃白當歸脾肺赤白黃痘固宜有之色青獨非所忌乎何獨慮腎而不

及肝耶總以血瘀則黑血為毒瘀其毒自不可解豈有
變黑歸腎之理有因虛而不起者必其兼毒盛者也毒
得其輕雖虛何害毒若猖狂氣血成何用哉

若上陳氏家傳順逆二十四痘形

粗珠子痘

痘如巨明珠樣尖圓光潤根窠紅活順候也 或痘雖
順四五日不易長大補中益氣湯治之 六七日不易
成漿保元湯治之或以順而不以升發解毒加後或害

目或癰毒或毒痢不可不慎也

細珠子痘

珠如小明珠樣尖圓光潤根窠紅活順候也不可見其
細小而妄以毒物發之以至真元外耗或致漿清瘡塌
或潰爛難痂之患慎之慎之

水白痘

痘頂白色根無紅盤或淡紅盤

血附也

小綻有神屬肺經

獨無紅盤而妄斷為逆非也 然有平塌灰白氣虛也

而無紅盤者根血不附血虛也凶症也

黑大痘

一名黑痘根紅而頂黑色尖綻有神順候也此痘萬中有一人皆罕見然有渾身黑點而枯悴此乃氣弱不畜血血亦有為之不榮故枯悴而黑不可不辨

赤小痘

根頂俱赤細小堅硬起脹而略見漿影即痂順候也初見時宜以疎解散清之使肌表通暢無壅滯之患

疎解散

川芎

防風

甘草

蟬退

陳皮

牛蒡

蘇梗

升麻

生薑

九焦痘

報點週時即痂復又報點如是九番故名九焦痘治法

同赤小痘

散茱萸痘

散稀也形如茱萸故俗名之非正論也四圍起而中心陷落者是也乃元氣不足不能續其後來而然也血雖有附氣之功氣弱而無制毒之力以致陷而不滿當以

保元湯助氣血為主氣充漿滿自然綻矣否則必有內
虛癢塌之患

石屑茱萸痘

郭郭顆粒硬小者是也此乃氣血足表裏實順也

大痘

高大而飽滿者是也雖光潔有神氣恐兒小不能充其
漿足當以保元湯倍加參耑治之若漿足難收當以芍
藥湯之然亦有過發以致濶大不可不知也

茱萸紋痘

頂上有紋路如茱萸樣是也經云茱萸紋起定空漿宜保元湯主之若失治必有漿清痒塌之患

梅花痘

初報點時五六成叢或六七成叢百餘處者是也起根發脹連成一個平塌有贈痘如珠光澤者吉贈痘平塌枯滯者凶

薄殼茱萸痘

皮薄色嫩脚軟者是也宜大劑保元湯益之然皮薄者必破損若破而堆聚成靨復脹灌者吉若破而乾黑反加寒戰咬牙悶亂者凶也

瓦灰色茱萸痘

色如瓦灰此乃氣分虛弱以致毒乘陽位也若脚歛血附者補中益氣湯治之可生脚塌血散者乃氣離血散不治之症也

紫眼茱萸痘

陷中有一點黑滯是也此乃毒乘氣位宜保元湯加牛
蒡子之屬主之正氣盛而邪自退 此症有吉有凶踈
者吉而密者凶也

夾痧痘

空處有雲頭紅色見者治法見夾斑痘論

夾疹痘

空處有細密頭粒者有吉有凶只將正痘斷之方見夾
疹痘論

晁痘

晁明也痘亦粗肥附血但嬌紅嫩艷必不能結實不可因其好看而妄斷為吉以取人之怨也

板痘

亦名延日痘起脹而痘肉齊平雖有黃漿其色必紫滯逆也臨証必觀兒之長大幼小以期之驗潘子十二歲而種此痘三七而亡俞子二十三而患此痘痂俱盡脫氣血漸竭五七而亡

水華痘

或問痘有水華之名何也曰因兒常往水邊受其水氣乘於肌表值時行痘因而感發見點如水泡一二日間泡破水去乃邪散表清而後報點乃正痘也治從痘例

蛀痘

頂有一小孔是也乃湊理不密之故宜保元湯倍加黃耆治之失治則正氣漸耗必有癰塌之患

白悶痘

悶者伏而不出也毒乘氣分故報點白頭如瘡以漸乾
枯內攻三四日而亡 或有因風寒內壅閉腠理而致
毒伏不得外出不可不辨也

紫悶痘

毒乘血分報點如丹變紫黑而五六日死 或有因內
傷而氣血滯故伏而不出宜消化可也 或有因氣血
弱不能宣發伏而不出宜補中益氣湯加芍藥蟬蛻主
之應藥者生

緊悶痘

悶痘因毒火彌熾煎熬肺腑壅閉氣道銷燦榮分蓋毒
必血載而出外血受傷不能任載而出故悶也 若毒
乘肺喘急而鼻中流血 乘肝眼中流血 入小腸小
便血 入大腸大便來血 入腎則腰疼而耳內流血
悶痘之惡二三日間而死古無治法皆因毒勢甚榮
衛秘塞毒伏在內禍不勝言

水痘

點如水晶珠者是也雖與正痘相似但其形歪斜亦灌漿成痂亦有稠密而面麻者總不在正痘數此脾肺二經受濕搏於肌表之間也初起芎蘇散主之行漿化毒湯主之

化毒湯

防風 荊芥 連翹 牛蒡 甘草
熱盛加黃芩 山厄 不易斂加芎藥

瑣言十五種怪痘狀象治法

遊蠶

是痘貫珠成條其形似蠶故名遊蠶有稀密有

○○○○○

長短身上者輕頭面者重身上短而稀所見無
多者輕長而密更繁多者重重則必攻令鬆透
如一赤豈莢其毒方起

雁行雁行者狀似遊蠶但曲而甚長以其排行而若

○○○○○

雁字也單見者亦重不一者更重矣攻之鬆若
遊蠶而毒化矣

疊錢是痘圓圓攢簇絕不成點錢許之大故名之也

僅見一二者輕多見者重重則必攻以藥胭脂膏封貼更和猪尾膏大桑蟲於劑內透之令毒如蒸餅其勢方透



蟾窩蟾窩者較疊錢而更大也另別其名者其形大




其毒亦更重也即屈指無多毒已不淺攻之自不容已佐以大桑蟲猪尾膏外亦以藥胭脂貼之得鬆泛平擡方可成膿



鼠跡是痘或四五粒或六七點相簇如鼠跡故以此名無多者輕見於周身者重重則必攻令相併成汜其毒方鬆癩內調入化毒丹并猪尾膏

瓢沙



瓢沙者其痘扁濶歪斜無頂無盤有細點如沙攢簇於囊宛似瓢沙而名之也可以數紀者輕徧及者重重則必攻務令高擡如芡實殼其毒纔化而成漿

鳥跡 鳥跡者連串三條頭簇脚開其痘若鳥之跡也

單見者輕五六處者重重者必攻亦如遊蠶鬆透為準

蟹爪


蟹爪者貫珠連串粒細一粒尖稍有隱隱黑絲如髮竟與蟹爪無異無幾者輕繁多者重重則必攻其形統脹成條而毒盡洩矣

珠殼珠殼者其痘有頂而平四圍貼附一細圈宛如
珠殼無多者輕及於周身者重重者必攻務令
○
圓滿綻裂其毒乃透

螺疔其毒頭大根尖頂黑形若螺肉深入肉裏有大
小有深淺按其四圍板硬治法見於餘毒若放
點時而即見者最惡先以挑鬆即將應服之藥
大人含於口中吮其數次隨用貼法



蛇皮 叢簇成片散漫無拘形似蛇皮而名之也見此



不治或見點之初燈下照之隱隱簇簇細密無倫將形未形之際即便攻之佐以猪尾膏破之不使其成庶可有為

履底

履底者形似蛇皮不若蛇皮散漫耳隨處皆凶其形得小更得早圖庶可有為速以猪尾膏和



入攻毒劑內并大桑蟲透之急以藥胭脂膏封貼令得膿水淋漓方能慶生

燕窩

是痘攢簇纍纍象似燕窩而名者也單見尚重見而不一者不治急攻之務令鬆擡如餅其毒方化以油胭脂調入化毒丹用綿紙攤貼更佐以猪尾膏大桑蟲

紫背

癍之形似萍其色似萍之背紫而帶黯有大有小目之有點手按無形無幾便重繁多者莫救亟宜攻毒破癍務令漸淡淡而退去方可回生必須早圖



環珠是痘連串環繞故以是名有臂因鐲阻痘即如
鐲而繞者有項以圈繫痘即如圈而聚者於臂
稍輕於項則重因阻猶重無因更重不特項臂
為然頭身亦有之凡見宜攻



痘不問疎密總以勻朗散布為佳其有連貫攢簇者皆
由梟毒衝氣血不能駕馭而然頑而不鬆伏而不透
猶賊之有巨魁也此之不治諸痘皆為抗拒巨魁授首
前途自可倒戈其可習而不察或委絕棄絕乎狀其名

象詳其治法以為變理者助



赤水元珠卷二十七下

欽定四庫全書

子部

赤水元珠卷二十八

詳校官太醫院使目臣宋桂

編修臣倉聖脈覆勘

總校官編修臣王燕緒

校對官助教臣卜惟吉

謄錄監生臣劉本立

欽定四庫全書

赤水元珠卷二十八

明孫一奎撰

異痘須知

夫痘有似凶而吉有似吉而凶者不可不知

天根痘

諸痘不起壯而天庭或曉星起灌者乃精氣外生故曰天根十有九生

天空痘

諸痘壯氣而天庭或曉星不壯者乃血不灌頂也故曰天空十無一生

明朗痘

諸痘不起而太陽太陰獨起者吉日為明太陰太陽之謂也

明蝕痘

諸痘起壯而太陽
太陰不起者凶

海溢痘

諸痘不起而耳後方圓一寸獨起
者名曰宿海溢是腎經旺也可治

海枯痘

諸痘盡起而耳後方圓一寸獨不起
泛者腎敗也名曰星宿海枯不治

又云

頭面遍身四肢耳上俱已起灌膿惟左耳
下外有二三粒不起灌日後唇裂齒乾如不

急救必死
內攻而死

有根痘

凡痘出頭面多四肢密者十分危險若地角
方圓畧有數粒圓如珠者十有十生蓋腎為

根本此痘腎
旺故曰有根

無根痘

諸痘俱好而地角方圓陷伏乾枯
或灰白不起者腎水絕也不治

抱鼻痘

面部俱稀而鼻梁左右密如蠶種者此毒聚於脾胃也名曰抱鼻痘其危矣

單鎖口

面部俱稀而口角有一粒黑痘較諸痘獨大者名曰單鎖口

雙鎖口

若口角兩邊各有一粒者名曰雙鎖口皆惡候也

鎖項托

頤出過身稀疎惟項下稠密一片至於頤名鎖項托頤亦為不治之症

豬頭痘

出而頭頸窩太多者急用山豆根玄參桔梗甘草生地芎歸山查木通荊芥牛蒡水煎遲

則毒結於喉而死

逆痘

上身少下身多者名曰逆痘此無大害

兩頭痘

初標時看自胃而上自臍而下俱有而中間一截全無者是也七日內急用人參歸芪湯

去柱加蘇葉桔梗山查白芷厚朴紫草防風木
通再加黃豆三十粒水煎救之出七日則難救
矣

鬼捏痘

痘出遍身全無點粒其斑成片恰
如打傷痕一般故名鬼捏不治

鬼痘

痘標既定手足胷背俱多而頭面全無者名曰
鬼痘又曰無頭痘五日之內可救五日之外難

救蓋氣血下行不能上升急用升麻川芎白芷
蘇葉前胡甘草桔梗防風當歸筍尖薑水煎服
如不治曲池生毒一月見骨而死若
身上四肢稀少者不可遂作鬼痘看

賊痘

痘初出便如綠豆過一日便如黃豆大再一日
又如圓眼大名曰賊痘其痘根窠與頂全無血

色形雖起脹按至虛軟至四五日上下出血而
死但此諸痘獨大其大甚速者就是不必大

如圓眼也

蛇皮痘

頭面遍身再無空地平塌而色白者俗名蛇皮此必乾枯不能作漿至十一二日必死

藥患痘

初標紅潤至四五日忽變陷伏不起將至裏虛此名為藥患急用扶表裏為上

九焦痘

當額地閣顙骨背耳後手足皆有
一二箇黑陷者名曰九焦痘不治

伏陰痘

痘不貫膿而瀉膿血故名伏陰急宜溫裏

空倉痘

痘雖肥滿而內實乾枯全無血水乃空倉也決死之症

石白痘

痘中有凹而四弦特起明亮好看內實漿板不化以手摸之其硬如石因形猶石白故名

之此症斷不可治

茱萸痘

痘不甚起而中亦有凹四弦皆有縐紋以其形似茱萸故名之也若得根窠紅活者服內

托散去防風白芷頂中發黑點者保元湯加芎桂身壯熱者入酒炒黃芩

蟲痘

痘瘡痒甚者不必夏月中蠅生蛆雖寒月亦有

用替挑去而愈或謂用柳條鋪下令兒卧於上則蛆自出此蓋毒留於皮膚延綿日久臍膚熱腐故耳譬之腐草為螢朽木生蠹其理一也

血疱痘

血疱痘者血協熱毒而自漿也刺疤血猶紅者尚可治急與犀角地黃湯加白芍以制血

解毒血黑者不治身熱者小柴胡湯加生地血漿不能收靨者紫草煎湯調下龍腦膏

血靨痘

痘出稀少四五日胖如碗豆六七日血靨痂乾亦似丹砂九日而痂落此氣血充足毒少

故隨出隨痂不及釀膿也此痘極佳百無一二

白漿痘

痘初起發瘡頭便帶白漿者此疫癘也但有此便不可治主七日死

四圍痘

若瘡起發根窠四畔又旋出小痘攢簇本瘡或發似粟米不待養漿即加搔痒而死

漏瘡痘

瘡出頭有孔膿水漏出堆聚乾結其色如天庖瘡及癩頭之形者或清水非膿無事自破

水去而乾黑者此皆屬氣所為傳染相似俗名漏瘡未有能治者矣

蛀痘

起腫時痘上有小孔不黑不白名曰蛀痘皆腠理不密而有是痘大泄元氣急用保元湯加丁

香肉桂其孔一密而痘自起矣

隱血斑

其形如豆殼灰白全無血色擦破而後血出亦無膿血故曰隱血斑也不治

赤萍瘡

痘已出齊或未齊如赤浮萍微微高起若爬出有血急以解毒升發藥救之如成爛痘則

無妨矣

紫萍瘡

瘡已出齊紫色不起不灌漿如浮萍貼在肉上者不治

白萍瘡

同上

草尾珠

其痘遍身俱陷惟髑骨一團飽滿如珠此症可治補托灌膿即痊矣

黑痘

盧廉夫曰黑痘多屬血熱黑痘本為惡証世醫恒棄而不治然形狀多端猶可解救須當辨而治之但血不活者則難救矣

一痘紫黑或黑點子隱在皮膚之間者無比散或

人牙散用猪尾血三五滴酒調下

小兒三分
大人五分

一初出便是黑點急用紫草茸二三錢醇酒半盞煎至三分瀝查與服為妙

一其形如痣皮膚發青紫紋者服透肌散或加防風荊芥

一形如牽牛而色瘀敗又黑痕併黑靨者並用蟬退二十五箇紫草茸一錢水煎服

一痘黑如煤炭血不紅活者用活血散一錢酒煎紫草湯下

一痘黑而皮膚皆黑成片者化毒湯加蟬退地骨皮酒炒黃芩

一痘黑大而軟者氣弱而熱毒盛也用保元加紫草

一痘焦黑潮熱煩躁者小無比散井水磨犀角調下一錢

氣血兩敗痘

近看猶如水蓼花遠望胭脂可誇
臨漿清水不成膿古聖神農無治法

復出痘

先見標一二點於面部或口唇上下如常起
脹貫漿收靨不知者以為痘本稀少故也然

以火照之紅點隱隱然藏於皮膚之內急用內托解散則痘復出不然頤下決發一毒不急散其毒而發其痘即死

雪翼子二十七般異痘姑錄於後以備參看

一彤雲繞頂

遍身痘好但頭頂一片紅赤者乃熱毒盛於膀胱也須清利之

一紫雲灌頂

遍身痘好但頭頂紫乾陷伏不起者不治

一烏紗覆頂

其症必咽喉啞塞鼻氣大粗乃血衰氣敗而元陽脫也不治

一梨花漫頂

用保元湯加天雄猶或可救

一雲掩天庭

遍身磊落光澤惟額上一片血疱如雲者乃心家客熱甚也急磨犀玳服

之

一紫萍鋪額

其症熱甚咽痛悶亂發狂用
小無比散加玄參升麻犀角

一烏紗落額

治不

一灰撲印堂

此症心家少血也若兼腹脹咽乾
用保元湯加白芍涼血解毒湯好

一楊花撲面

用內托散
加天雄

一赤珠繞唇

此乃脾經極熱也用
小無比散加雄黃

一烏飯沾唇

此症必聲啞神昏目精不轉四肢厥
冷喉響如鋸三朝七日乃死期也

一霞錦穿胃

此因火毒淫
盛不治之症

一紫雲佈胃

此症血枯氣滯毒來攻胃也其症必咬牙戰掉口唇焦裂頃刻命傾矣

一黑棋排胃

三朝決死

一柳絮飛胃

此乃血氣枯弱也保元湯加芎歸附主之

一桃花映背

此症清火解毒可生

一紫萍浮背

不治

一黑砂落背

不治

一雪鋪魚背

此血已枯盡也不治

一赤鱗穿腹

此症必大便秘小便淋瀝乃胃家熱甚也用五苓甘露以和解

一黑段纏腹

此症必肚內膨脹
聲音啞二日終矣

一白梨墮腹

氣血衰敗也半月
之間發驚而死

一葡萄落地

臂間紅紫一片若
葡萄者兩日命終

一爛粟居臀

遍身俱好惟臀上
一片如粟殼臭爛者托補下元可轉

一榴花散野

諸痘俱好惟四肢
紅赤而唇口崩裂
者乃心脾肺三經
熱也須涼血清火

解毒

一黑珠遍體

四肢枯黑如火燒
柴頭口中涎出氣
冷朝夕死矣

一楊花墮枝

手足獨灰白者氣
凝血滯也八珍湯
加附子治之

婦女痘

童女出痘與童男相同無以議也但天癸通者則治法不能不異且夫發熱之初適遇經水如期而至則熱隨血解痘出亦輕不須服藥若過三四日而熱不止痘不出者此熱入血室血必妄行為內動中虛之患宜涼血地黃湯加人參治之

一非經行之期於發熱之際而經忽至者此毒火內熾逼血妄行之故必痘多而毒盛急用涼血解毒湯倍

加連翹牛蒡使熱得清毒得解痘得出經得止始無他變遲則內虛痘必陷矣柳花散佳

一正當起發灌漿之時適遇經行過三日不止痘應起發而不起發應灌漿而不灌漿頂平形塌或灰白或黑陷此為經血去多陰血虧耗必為陷伏壞症矣急以八物湯去地黃加黃芪木香熟附子以調元氣或葫荈酒噴之使痘起發灌漿或出增痘者為吉若寒戰咬牙喘急腫滿手足厥冷者為內脫不治之症矣

一起發灌漿之時經水適來忽口瘡而不能言者乃血入少陰不能上榮於口也宜先以當歸養心湯主之俟其能言後以大補湯治之或猪心血調服亦可

一經水不斷之時適逢出痘身發壯熱神思昏沉言語狂妄如見鬼神尋衣撮空此行經之後血室空虛天行邪熱乘虛而入犯於衝脈蓋肝藏血開竅於目神思昏者魂亂也目妄見者視亂也妄言者肝移熱於心也宜瀉肝散或小柴胡湯加生地丹皮

一正直崩漏不止氣血俱虛之後適逢出痘此必不能
勝任宜大補其氣血以十全大補湯八物湯加木香
黃芪官桂主之使裏氣充足毒無留停更能飲食則
可保全否則倒塌不治矣

一向來經閉不通血海乾涸適逢出痘毒氣拂鬱於衝
任之間二陽之併發其熱必甚若攻擊之則血妄行
不止痘亦不出為喘急為腫脹為陷伏矣須調其心
脾使毒得發洩庶可以保其生以歸脾湯逍遙散治

之脾和食進然後方可收功

一痘瘡起發至泡漿數日最宜表裏無病飲食如常若當此時忽然行經者人但知厭穢以觸正痘殊不知此乃本身之血不為之厭但恐血去裏虛防生陷伏之變急宜救裏解毒大補湯主之

一妊婦最忌出痘蓋熱能動胎胎落則血氣衰敗痘必不能起發灌漿命其危矣故孕婦出痘深為可慮蓋痘之用藥多主溫補如半夏肉桂之類皆妊婦所忌

而烏附又非痘家所宜凡遇此症者不問輕重悉以清熱安胎為主不可觸動其胎宜安胎散加黃芩芍藥主之血動者四物湯加芩連治之及單胎散佐之身熱足冷腹脹者八物湯加木香脾氣虛不進飲食毒發不出者四君子湯加木香糯米紫草胎動不安者安胎散加砂仁痘出稠密者參芪內托散加紫草芍藥當歸單身熱有外邪無內症者參蘇飲加木香更以如聖散為主隨症加減如初發熱加升麻葛根

連翹痘出太甚加酒炒黃芩大力子山查連翹不起
發加大力子白芍藥口渴加麥冬知母天花粉痰多
加半夏所謂可擾而擾似乎無擾故雖有胎不忌半
夏也

一痘正在起發灌漿之時忽遇坐草分娩之期此氣血
俱虛之候宜大補湯加熟附子主之以補氣血固表
裏若產後小腹急痛者此血未盡也黑神散畧與行
之不必拘泥若寒戰咬牙腹脹作渴足冷身熱者此

脾胃內虛外作假熱也大補湯加熟附一二劑更用
四君子湯加黃芪當歸陳皮木香多服止者吉不止
者凶

一疹後十日或半月之間適逢出痘此無胎孕繫累只
以大補氣血為主以大補湯或八物湯去芍藥痘出
多加連翹大力子大便秘利者加肉苳蔻只照常一
體用藥施治不必妄為而多疑之反致誤事

一痘疹要訣曰妊婦出痘收靨之時胎落者多無事若

發熱初出之時胎落者猶或可救若時當起脹灌膿而有犯此者多死蓋氣血衰敗無以逐其毒也

一痘已出未出不起不發隱在皮膚并治麻症斑症用梅花一兩桃仁二錢絲瓜五錢辰砂二錢甘草二錢為末每服五分參蘇湯下

一痘不問前後凡黑陷咬牙寒戰用梅花六錢穿山甲一兩仙靈脾五錢麝香一錢為末每服三五分咬牙寒戰加人牙二三釐內托散送下

快斑散

貫衆

赤芍藥

各一兩

甘草

升麻

枳殼

炒各五錢

右為末每服一錢水一盞竹葉七片煎至五分溫服看大小與之按貫衆主腹中諸熱邪毒其性微寒凡痘瘡煩渴咽燥喘急大便秘小便赤澀目赤皆裏熱也急宜服之

西來甘露飲

清熱解毒如神凡發熱之初五日已前而熱不退痘

色紅紫口渴大便結燥服之即能紅潤

亦治疹家煩熱口乾咳嗽疹色枯燥或譫語喘急睡卧不安

絲瓜藤 霜降後三日近根二尺剪斷將根頭一節倒插入新瓦瓶中上以物掩之勿使灰塵飛入次日以好新罈一隻將瓶中之汁傾在罈中仍將藤照前插入瓶內三日後汁收盡將罈封固收藏聽後取用若發熱煩躁口渴未見紅點將茜根一兩水煎濃汁

二酒盃攪絲瓜藤汁二酒盃相和服之立安痘出亦輕 若已見標顏色紅紫及稠密者用紫草煎濃湯沖服便見紅潤 若夾斑者犀角紫草茵陳煎湯沖服寒月用酒煎沖服 蓋此汁極能解毒清熱尤治天行時疫每以生薑汁少許加蜂蜜調勻服之有神功

渾元汁 即紫河車不拘男女初胎者尤妙入新瓦罐內封固其口上以碗覆埋於土中久則化而為水是

也

專治氣虛血熱痘色紅紫乾枯黑陷等症以此汁清而補之其效立見氣虛甚者人參紫草煎濃湯沖入服之已上二方有力之家可多收貯愈久愈佳臨症極便勝如積金寶造浮屠也

李氏敗毒散 治初熱壯盛等症

即前敗毒散加升麻荊芥牛旁子蟬退山查地骨皮薄荷紫蘇紫草 減獨活柴胡茯苓人參

右薑一片水煎臨服加葱白汁五茶匙如熱甚
加柴胡黃芩夏加香薷冬加麻黃瀉加猪
苓澤瀉

蘇解散 治痘初壯熱頭疼腰疼腹疼作脹一切熱毒
甚者

紫蘇 葛根 防風 荊芥 白芷 蟬退 紫草

升麻 牛蒡 木通 甘草 各等分

加燈心葱白各七根水煎熱服

升麻葛根湯 治初熱壯盛疑似未明服此或痘已出而表熱甚不退

李氏加紫蘇五分筭尖山查牛蒡各一錢冬月加麻黃一錢令痘易出易斂

和解湯 解表和中

升麻 乾葛各一錢半 白芍一錢 人參 防風各七分

川芎八分 甘草五分 薑一片水煎服

解毒疎痘湯 預服解熱去毒 已出解熱毒斑疹又

治紅紫口乾壯熱譫語

防風 荊芥 羌活 柴胡 川芎 白芷 當歸

連翹 黃芩 黃連 麻黃 紫草 蟬退

右薑蔥水煎服

加味葛根湯 治痘失表發熱譫語

升麻 葛根 赤芍 甘草 桔梗 柴胡

荊芥 防風 連翹 牛旁子 木通

右水煎服

大靈丹 治壯熱顛狂驚搐譫語紅紫斑焦乾陷一切

惡症

白滑石

飛過三兩

雄黃

飛過

犀角

各三錢

辰砂

飛過三錢半

牛黃

冰片

各一錢

麝香

五分

右研極細和勻用升麻甘草防風薄荷燈草牛蒡
紅花紫草黃連各三錢水二碗煎至半碗細絹瀝
去渣加蜜四兩同熬滴水成珠和前藥丸如小龍
眼大金箔為衣每用一九燈心湯下暑月冷水化

下

無比散 初熱服之甚能稀痘 又治痘夾黑點子
及黑陷黑痘等症

辰砂錢

冰片

麝香

牛黃

各五分如無牛黃用牛胆南星代之

膩粉

錢二

一方有蟾酥

右研細末一歲兒服一字大者五分刺猪尾血三
兩點新汲水調和送下取下惡毒如爛魚腸葡萄
穗狀即愈

小無比散 治痘壯熱口渴小水澀大便秘口氣熱煩

躁不寧或焦紫或紅斑自發熱至起壯時有熱者皆

可用痘後餘熱亦可用

桂府滑石

飛過六兩

石膏

飛過一兩

粉草

寒水石

各五錢

鬱金

蟬肚小者甘草湯煮乾為末七錢

右俱製淨末和勻每五歲者服二錢大人再加

冬月燈心湯下 夏月井水調下 熱甚不解者

井水磨犀角汁調下 若紅紫頂陷不起加穿山

甲末一分麝香半分紫草煎湯加酒一二匙調下
即起

大無比散 治熱毒大甚驚狂譫語引飲痘瘡紅紫黑陷

桂府滑石

飛過六兩

粉草

一兩辰砂

飛三錢

雄黃

飛一錢

右末每三五歲服一錢十歲服二錢發熱之初用
敗毒散調下亦能稀痘 若報痘後用燈心湯下

退火回生散 治痘熱甚發渴紅紫黑陷

滑石錢一

辰砂分一

冰片三釐

右末冷水調下得睡少時神安氣靜痘轉紅活

龍腦膏 痘毒出不透心煩狂亂如見鬼神或已出未出留伏黑惡毒等症

冰片 研末新宰猪心血和丸圓眼核大

小兒服半丸 大人服一九 凡狂妄煩躁者心經毒盛也紫草湯下 昏瞽不醒者伏熱在心經也井花水下 血庖漿不回者紫草湯下 漿坐

庖陷者溫酒化下

天真膏 治黑陷乾枯紅紫及斑不退用此救之十全

四五

初生小兒解下黑糞用磁礮收貯加水銀二兩麝香一錢黃蠟封口埋於土中愈久愈妙久則化而為水每遇前症看兒大小熱毒盛者量與二三茶匙酒煎紫草湯對半和勻服之立時紅潤活澤真秘方也較之天靈蓋枯臭無益之物萬萬矣緣此糞原係母之

真血所化蓋以血補血且入土日久又得陰氣多故
能解毒 百日內小兒熱而煩躁啼哭不止用少許
點入眼角二三次便能神安氣和而睡蓋又能清心
熱也

猪尾膏 治全龍腦膏但此二方俱以龍腦為劑虛寒
者不可用惟實熱則有功

凡痘過服熱藥昏昧不知人事者取猪尾血以龍腦
和為丸圓眼核大溫酒化下

按猪尾乃動物取其血
用之使毒活動化漿而

達於外也

一凡痘倒靨心神不安者片腦五分辰砂一錢豬尾血
爛研膏用木香磨湯化下

一凡痘不化漿倒靨者片腦一分豬尾血一錢同研新
汲水調下

歲靈龍腦散 治痘黑陷

歲靈仙

一錢炒
為末 片腦一分

右用溫水調下取下瘡痂為效

獨聖散 痘不起頂或紫黑陷倒靨服此即時紅活起

發有起死回生之功又名奪命丹

穿山甲

酒炒成珠一錢取
前足及嘴角者佳

麝香一分

右末每小兒三分大者五分用木香煎湯入少酒

調下 熱甚者紫草湯下

宋杏庄方內加炒紅麴川烏炒焦各五分名曰一七金
葱湯下

大成散 治痘出不快或頂陷或灰白黑陷一切不起

發之症俱可用之

穿山甲

酒炒
一兩

甘草末

三錢

雄黃

硃砂

各一錢半

紫草

三錢

麝香

二分

右每五歲兒用二分冷症熱酒調下 熱症紫草

湯下 寒者加入治中散內用 熱症加入小無

比散內

人牙散 治痘不起發黑陷或紅紫黑斑咬牙寒戰

人牙

自落者不拘多少火煨存性淬入韭菜汁內大牙三次小牙二次研極細末入麝香一分或加

紅麴
二分

右用雞冠血調成膏好酒半盞人乳半盞入葱白
一撮煎湯送下

凡服牙齒不可過多每服止三分多則陽氣盡出於表
恐痘斑爛無血色陰氣內盛必裏寒而濡泄急以四
君子加芎歸服之

無憂散 治臨危痘症寒戰咬牙

人牙

如上製
一錢

雄黃

珍珠

各五
分

一方有牛黃五分

右末每服三五分多則一錢荔枝煎湯下

無價散 治黑陷欲死者

用無病小兒糞臘月將傾銀礮二箇上下合定鹽泥固濟火煨通紅取出為末蜜水調服一錢 一方加

麝香冰片

少許

烏金膏 治發熱至七日已前或因風寒痘不起發或紅紫或驚搐俱可用

殭蠶

酒洗

全蝎

去足尾酒洗

甘草

紫草

白附子

味苦內白者真

麻黃

各五錢

穿山甲

炒末二錢半

蟬退

去頭足酒洗淨二錢

右為末將紅花紫草各一兩好酒二鍾熬去大半去渣入蜜五兩慢火同熬滴水成珠為度丸如龍眼核大每服一九燈心湯化下

紫金散

治出不快及倒靨

亦治遠年不愈惡瘡

紫草

蛇退

炒牛旁子各五錢

右為細末每服一錢水半鍾煎減半溫服

連翹升麻湯

治痘一發密如針頭形勢重者當輕其

表而涼其內

連翹 升麻

黃芩

葛根

各一錢

麥門冬

去心二錢

右水煎服

清地退火湯

治痘帶熱而出名為火裏苗急用此方

以退其熱則後無青黑變陷之候

地骨皮

地膚子

各一錢

牛旁子

紫草

葛根

各八分

連翹

分六

當歸

分五

木通

分三

蟬退

分二

右加薑一片水煎服

如熱不退再服一劑或為末

燈心湯服

紫草透肌湯

治痘熱而出不快及頂陷者

紫草

錢一

升麻

分五

牛蒡

防風

荊芥

黃芪

各八分

甘草

分三

木香

分五

右薑水煎服

如色紫腹痛加蟬退一錢

化毒湯

治痘已出而熱毒未解宜清熱涼血毒一解

不致黑陷血一涼不致紅紫

紫草

升麻

甘草

蟬退

地骨皮

黃芩

酒炒

木通

各等分水煎服

解毒散 治毒先發腫者名曰痘母後發者十有九死
先發者吉

金銀花

五兩

甘草

一兩

木通

防風

荆芥

連翹

牛

子

各三錢

右用酒水各一鍾煎服

如泄加訶子豈菴痘

紅者加炒黃芩芍藥

瘡痒者加歸身生地或加

何首烏尤佳 疼痛者加赤藥

透骨解毒湯 治寒戰咬牙

紫草 甘草 當歸 防風 陳皮 赤芍

右等分水煎服

消毒飲 痘已出上焦熱胸膈不快及痘後癰毒麻疹
熱毒

荊芥 牛子 各二錢 甘草 一錢

右薑二片水煎服

如聖湯 痘已出身熱如火

紫草 升麻 葛根 白芍 甘草 木通 猴梨

各等分加薑一片葱白三莖水煎熱服 心煩加
麥冬赤茯苓煩渴加生脈散 七八日身如火
者加酒炒黃芩地骨皮

四聖散 黑陷倒靨不起發不紅活小便不利

紫草 黃芪 甘草 木通

右水煎服 熱甚色紫倍加紫草苓連紅花大便

秘加枳殼如常加糯米

加味四聖散 痘出不快及變陷倒靨小便赤身熱未退或復冒風者

紫草 黃芪 人參 甘草 川芎 蟬退 木通 木香

大便秘加枳殼 不秘加糯米百粒水煎服

涼血解毒湯 痘出熱不退紅不分地或痘苗乾枯黑陷急用此方可起壯灌漿

紫草

錢一

生地

柴胡

各八分

牡丹皮

七分

赤芍

蘓木

防風

荊芥

黃連

木通

各三分

牛子

四分

天麻

紅花

甘草

各二分

薑一片燈心二十根糯米百粒水煎服

惺惺散

治痘頭痛壯熱喘急此攻毒散熱之劑

人參

白朮

茯苓

甘草

桔梗

細辛

川芎

各五分

薄荷

一方無川芎加天花粉

薑三片棗一枚水煎服

內托散 痘不起發根窠不紅或灰白色咬牙寒戰等症

人參 黃芪 甘草 川芎 當歸 防風

白芷 桔梗 白芍 厚朴 木香 肉桂

右薑一片棗一枚水煎服 色紅紫者去肉桂木

香加紫草蟬退 漿不滿水酒各半煎服 色淡

白者去防風白芷加糯米 大便燥加人乳

蟬退膏

蟬退

酒洗去頭足

當歸

防風

甘草

川芎

荊芥穗

升麻

白芍

各等分

右為末煉蜜丸芡實大每服一九薄荷湯化下

粉紅丸

又名溫驚丸

治痘後癩癰症

牛膽南星

四兩辰砂半錢

天竺黃

五錢

冰片

五分

胭脂

一錢

右為末牛膽汁和為丸雞豆子大每服一九小者

半九沙糖溫水化下

大保元湯

治頂陷根窠雖紅而皮軟薄血有餘而氣

不足

黃芪

錢三

人參

半

錢一

甘草

川芎

錢各一

官桂

分一

加薑棗水煎服 如氣不行加木香減去桂 若

不食加人乳半鍾 又方加白何首烏黑豆蒸過

用

生脈健脾湯 治漿既成皮軟色白乃氣不足也氣不

足當補氣血不足宜養脾脾旺則血生是固其本也

黃芪

半

錢一

人參

錢一

炙甘草

官桂

各三分

當歸

川芎

白芍

白朮

各八分

茯苓

五分

紫草

四分

薑一片紅棗一枚糯米五十粒或加酒洗紅花三

分

通天散

治痘發熱不出或已出而色不紅活

人參

陳皮

桂枝

各八分

川芎

熟地

芍藥

各一錢

當歸

紫草

各一錢半

紅花

木香

各三分

甘草

六分

知母

八分

荔枝殼

十箇

右用雞汁一鍾棗三枚糯米一撮煎服初服到頸

再服到臍三服到脚神效

升天散 即灌膿起頂散治痘灰白或紅紫黑陷乾枯
或清水不成漿八九日十日皆可服

人參

六分

黃芪

山查

各八分

白朮

土炒

當歸

川芎

橘

紅

各五分

甘草

淫羊藿

穿山甲

土炒

肉桂

三分

此引

經之藥多則痒

木香

二分

薑一片棗一枚水煎服 或為末服亦可 如嘔

吐生薑湯下 瀉米飲下 肚痛神麴煎湯下

煩躁麥門冬湯下 渴用麥冬五味煎湯下吐

瀉藿香陳皮湯下 痘不成漿多服數帖無妨

補漿湯 痘灰白不起壯或漿清

淫羊藿

三分多則發痒

人參

八分

穿山甲

土三分

黃芪

一錢半

子川芎

五錢

當歸

八分

甘草

五錢

木香

二分

白朮

土六分

山查

八分

陳皮

五分

官桂

三釐

黃豆

三十粒

筍尖

三箇

加薑棗糯米水煎服 一方有白芷防風

補元湯 治痘頂充滿而根盤不聚色不紅活乃氣有

餘而血不足也

川芎

當歸

白芍

酒炒

熟地

各一錢

紫草

紅花

各酒洗七

分

陳皮

甘草

各三分

白朮

土炒一錢半

酒水各半盞糯米五十粒棗二枚煎服

活血散

治痘色淡白

當歸

赤芍

酒炒

紫草

川芎

紅花

各五錢

血竭

一錢

木香

二錢

右為末每五歲者服一錢十歲已上者服二錢好

酒調下 熱極血焦不紅活者酒煎紫草湯調下

保生散 治氣血俱虛灰白色不灌漿回漿者

紫河車

一具焙為末

龜板

酥炙五錢

一方有鹿茸五錢

右末每服五七分或一錢氣虛者保元湯下血虛
芎歸紫草煎湯下

渾元散 治同上

紫河車

一具分作五七塊

用白糯米三合水淘淨入無油銚內同炒以米黃

色為度同為末每用五七分兒大者一錢極補氣
血能助灌漿如神緣糯米性溫得紫河車之氣純
化為河車故其補功最速譬之造酒米從麴化意
也極妙絕

異功散 此方調順陰陽充實表裏凡痘灰白痒痛寒
戰泄瀉腹脹並宜服之非虛寒者不可輕用

人參 白朮 茯苓 當歸 陳皮 半夏 厚朴

薑制 木香 丁香 肉果 大附子 官桂

右薑棗水煎服

內助丹

黃芪

酒炒

人參

酒炒

白朮

茯苓

當歸

陳皮

半夏

厚朴

肉桂

山查

薑三片 棗一枚 糯米五十粒 水煎服 如不食加

人乳一盃 痒甚加大附子 寒戰不止加附子

防風 渴加麥冬 瀉加澤瀉 猪苓不止加訶子

肉果

助陽丹 痒塌不起根窠不紅

黃芪

人參

白芍

各酒炒一錢

甘草

三川芎

當歸

各一

錢

紅花

五陳皮

八官桂

二分

薑棗水煎服

如食少加山查厚朴各五分餘加

同煎

回生起死丹 治痘灰白寒氣逆上不食腹脹嘔吐肚

痛泄瀉清水手足俱冷

丁香

九乾薑

一錢

水煎熟服被蓋片時令脾胃溫煖陰退陽回痘自

紅活

治中散 虛寒瀉利不進飲食

黃芪 人參 茯苓 白朮 川芎 當歸 肉桂

各五錢 肉果麵色煨熟 丁香一錢半 木香三錢
錢取油

右末每五歲用五分好熱酒調下衣被蓋煖少頃
痘變紅活而起

和中湯 虛吐不止即鎮胃止吐湯加人參

人參 茯苓 甘草各五分 白朮 半夏各八分 陳皮

藿香 砂仁各一錢

生薑水煎服

藿香正氣散 治初熱乾嘔

藿香 紫蘇 大腹皮 陳皮 桔梗 甘草

茯苓 半夏 厚朴 白芷

右薑棗煎服

定痛散 傷寒肚痛及冷氣痛

神麴

香附

錢各一

山查

錢二

良薑

當歸

甘草

錢各五

薑三棗二水煎服

手足逆冷加大附子二分

桂枝芍藥湯

治腹痛

桂枝

炙甘草

錢各一

白芍藥

酒炒二錢

薑三片棗二枚水煎服

黃連湯

治熱毒在胃腹痛時或欲吐此藥能升降陰

陽

黃連

炙甘草

乾薑

桂枝

錢各二

半夏

人參

錢各八

分

棗二枚水煎服

益黃散 胃冷嘔吐而利

陳皮

青皮

各二錢

丁香

五分

木香

三分

訶子

七分

右水煎服 一方無木香有豆蔻一錢

堅腸湯 治痘泄瀉不止

黃芪

白朮

肉果

炮去油各一錢

山查

七分

川芎

陳皮

各五

分
升麻三分

加牙棗三枚水煎服

豆蔻丸 治痘灰白泄瀉清水不止 又方止用龍骨

訶子肉蔻三味治同

木香 砂仁 龍骨 訶子肉 肉果

麩煨各五錢

赤石

脂 枯礬

各七錢半

右末麩糊丸黍米大每服三十丸米飲下

加味犀角飲 痘已出不勻心煩壯熱口舌生瘡

犀角 牛子 荊芥 甘草 防風 升麻 桔梗

麥冬

水煎服

犀角地黄湯 治諸失血

犀角

磨汁入

赤芍藥 生地 丹皮

各等分水煎服

二寶散 治痘紫色發熱鼻衄小便如血口渴亂語

犀角 玳瑁

二味磨汁頓服即愈

斬關散 痘紫發熱鼻紅不止

地黃 丹皮

黃芩

各五分

升麻

三分

藕節

茅根

各一錢

菴豆

十四粒

水煎服

梔子仁湯

煩躁譫語驚狂發斑

梔仁

黃芩

石膏

各二錢

知母

杏仁

各一錢半

大青

柴胡

豆豉

赤芍

各一錢

升麻

八分

甘草

五分

水煎服

人參白虎湯 暑盛煩渴痘出不快又解麻痘斑疱等
熱毒

人參

分五

石膏

錢四

知母

半

錢一

炙甘草

分三

加粳米一撮水煎服

竹葉石膏湯 治痘不惡寒壯熱煩渴小便赤澀

石膏

知母

甘草

麥冬

竹葉

右水煎服

麥門冬湯 治斑疹煩渴吐瀉及痧後餘熱

麥冬 人參 甘菊 赤芍 赤茯苓 升麻 各一錢

甘草 五分 石膏 三錢

水煎服

生脈散 止煩渴首尾通用

人參 五味子 麥冬

水煎當茶飲

參苓白朮散 治痘已痂未痂身熱不退煩渴不止此藥極能清神生津乃治脾虛之聖藥也

人參 白朮 茯苓 甘草 乾葛 木香 麥冬
藿香

各等分水煎服

柴胡 麥門冬 湯 治痘壯熱經日不退

柴胡 麥門冬 甘草 人參 玄參 龍胆草
水煎服熱退即止 一方無人參

涼膈散 上膈積熱口舌生瘡煩渴

連翹 薄荷 黃芩 梔子 甘草 大黃 朴硝

各等分水煎服

如痰火嗽加桔梗竹葉蜜一匙

四順飲 治大便秘

大黃 當歸 芍藥 甘草

各等分水煎服

通幽湯 大便秘結

當歸 紅花 生地 熟地 桃仁 升麻 甘草

火麻子

水煎服

通腸散 大便秘結

枳殼

當歸

大黃

各二錢

芝麻

三錢

牛膝

五分

水煎服

葱白湯 治頭疼

連鬚葱白

生薑不拘多少水煎帶溫服

當歸六黃湯 治自汗盜汗

當歸

黃芪

黃芩

黃連

黃柏

生地

熟地

各等分水煎服

甘露飲 治牙根腫痛腐爛口臭牙疳出血喉舌生瘡

天冬 麥冬 生地 熟地 黃芩 枳殼 石斛

茵陳 枇杷葉

炙去毛

甘草

各等分水煎服

吹口丹 治口疳

黃連 青黛 孩兒茶 冰片

為末吹之

赴筵散 口瘡神效

薄荷 黃柏

等分為末入青黛少許搽之

牙疳方 痘後餘毒攻牙根疳腐

內宜服甘露飲

人中白

煨三錢

枯礬

二錢

鹽梅

七箇煨存性

麝香

一分

白鴿子灰

一錢 五穀蟲

焙乾二錢

為細末先將葱茶洗去腐肉須見鮮血然後搽藥

鈎藤湯 痘後口噤僵直遶臍腹痛

鉤藤 紅花 木香 川芎 當歸 白芍

甘草 白朮 青皮 黃連 官桂 生薑

各等分水煎不拘時服

消風散 治痰盛驚搐譫語狂急口張目作上視

羌活 獨活 蠶蠶 藿香 枳殼 防風 天麻

地骨皮 蟬退 各八分 前胡 一錢半 柴胡 黃芩 天花

粉 桔梗 茯苓 荊芥 紫草 牛子 各一錢 人參

川芎 各七分 甘草 四分

薑棗水煎服

瓜蒌散 治痘熱極生風發搐

瓜蒌根

錢二

白僵蠶

錢一

慢火同炒老黃色為末每服二三分薄荷湯下

保命丹 一切驚風發熱

天麻 鬱金

全蝎

去尾各錢五

防風

甘草

錢三

青黛

錢三

白附子

炒

僵蠶

薑汁炒

薄荷

錢五

大半夏

炒

乾又

南星

製全上

辰砂

飛五錢

麝香

分五

鈎藤

牛黃

二錢 蟬退

茯神

桔梗

各五錢

右末煉蜜為丸芡實大每服一九燈心湯下

蟬花散

治痘發熱發痒抓破

蟬退

地骨皮

各一兩

為末每服二三匙白酒服二三次

回漿散

治痘不收漿結痂

何首烏

白芍

黃芪

人參

甘草

白朮

白茯苓

薑水煎服

象牙散 治同上

人參 黃芪

白朮

各一錢

甘草 茯苓

一錢半

何首烏

二錢

右加糯米二錢棗二枚水煎調下象牙末一錢

玄參升麻湯 治溫毒發斑

玄參 升麻 甘草

水煎服

陽毒升麻湯 面赤狂言煩躁腰背疼下利脈浮喉痛

升麻

錢五

犀角

射干

黃芩

人參

甘草

各二錢半

右水煎服

陰毒升麻湯 治陰斑

升麻

當歸

川椒

鱉甲

雄黃

甘草

右水煎服

四聖膏 治痘疔挑破以此點之

七粒珍珠火上燒

豌豆七七鍋內炒

男髮不拘

灰多少 加入胭脂真箇好

二聖散 治同上

雄黃

二錢 紫草三錢

右研末用油胭脂調下

敷方 痂後痘疔潰爛成坑內見筋骨以此敷之

赤石脂 膩粉 黃柏 杭粉 炒 血竭 各一錢 飛丹 炒

分 髮灰 五錢 乳香 沒藥 各三錢 冰片 三錢 伏龍肝 一錢 蜜陀

僧 飛過二錢 有臭氣加阿魏三四分

右為細末綿帛篩過敷之外用膏藥貼內服人參
敗毒散加穿山甲蟬退連翹

人參敗毒散 治餘毒癰腫

人參 赤茯苓 羌活 獨活 前胡 薄荷

柴胡 枳殼 川芎 桔梗

各等分

甘草

減半

牛旁子

防風 荆芥 連翹 金銀花

即荆防敗毒散

頭上加白芷升麻 上身倍加桔梗 手加薄桂

腰加杜仲 腿足加牛膝木瓜

金花散 痘後肥疳疥癬等瘡此能收水解毒

黃丹 黃柏 黃芪 黃連 大黃 輕粉 麝香

右為細末濕瘡乾摻燥用臘豬油熬化調敷

必勝膏 治腫毒

馬齒莧搗汁 豬脂膏 石蜜

三味熬膏塗之即消

三豆散 痘後癰毒初起紅腫

黑豆 赤豆 萊豆

用醋浸研漿時時以鷲翎刷上隨手可消

敗草散 治斑爛不止

爛茅草

不拘多少用多年蓋牆屋者經露風霜年久感天地陰陽之氣善解瘡毒其功不能盡述取來晒乾或焙乾為極細末敷瘡上或攤在席上令兒坐卧於上即愈

又方

荔枝殼微燒存性 草紙燒灰存性 多年敗茅
三味共為細末或搽或摻自能收水結痂

又方

黃豆殼燒白灰為末摻之 如痘風癬以豆殼煎湯
洗

綿璽散 治爛瘡 治身及肢節疔蝕瘡膿水不絕
罌子不拘多少將生明礬末裝入滿火上燒令汁乾
枯為末摻之

秘傳茶葉方 痘爛遍身無皮膿水流出粘拈衣被

茶葉要多揀去粗梗入滾水一漂即撈起再揀去梗
濕鋪床上用草紙隔一層令兒睡上一夜則膿皆乾
乳香韶粉散 痂欲落不落用此薄塗當滅癍痕又治
熱痘瘋遍身膿水不絕

乳香三錢韶粉一兩輕粉一錢

右末豬油拌鷺翎敷上

地黃散 痘毒入眼腫痛赤縷或白膜遮睛

熟地 當歸 防風 蟬退 羌活 白蒺藜

炒去刺

穀精草 木賊

各一錢

玄參

五分

犀角末

一錢

黃連

大黃

炙甘草 木通

各一錢半

為細末小兒每服一字大人二字羊肝湯食後調服日三夜一忌口將息

蜜蒙花散 治痘入目翳膜遮睛

蜜蒙花 菊花 石決明 白蒺藜 木賊 羌活

右末每服二三錢茶清調下

免糞散 治痘入眼 亦可煉蜜為丸酒送下三五十

丸

免糞炒黃為末用蟬退末通甘草煎湯頓服

免糞丸 治痘入眼或生翳障

免糞炒四兩石決明煨草決明 木賊去節白芍 防風

各一兩當歸錢五穀精草錢二

右末蜜丸菉豆大每服三五十丸荊芥湯送下

吹耳丹

輕粉 飛丹

為細末左眼翳吹右耳右眼吹左耳只吹一二次
又方 加雄黃麝香少許 外用石燕子一對檳榔一
對二味磨水常服

單胎散 治妊婦出痘 一方有陳皮枳殼大熱加鬱
金

川芎 川歸 芍藥 人參 白朮 茯苓 甘草
柴胡 條芩 防風 荆芥 白芷 葛根 砂仁

紫草 阿膠 桔梗 糯米

水煎服

安胎散

川芎 當歸 白芍 人參 白朮 白茯苓 甘草

條芩 陳皮 紫蘇 砂仁炒 阿膠炒 香附 艾葉

紫草

各等分加薑棗水煎服

安胎飲

大腹皮

酒洗

人參

陳皮

白茯苓

白芍

紫蘇

砂仁

香附

甘草

加糯米水煎服

胎漏加阿膠百草霜

柳花散

室女發熱經行

柳花

錢五七

紫草

錢一兩二

升麻

錢九 歸身

錢七半

右末每服七錢葡萄酒煎湯調下

鐵箍散

治痘後癰毒

鳳凰退燒灰醋調圍四畔留頭出毒氣甚佳

蕎麥粉法 痘瘡破者用此敷之潰爛者以此遍撲之
極佳

蕎麥粉以絹袋盛撲於瘡上或以此襯於床褥上

溫粉撲法 治汗出不止

黃連

牡蠣粉

貝母

各末五錢

粳米粉

一升

和勻絹袋盛周身撲之

蟬花散

治爛痘生疽蟲及夏月諸蟲咬傷臭惡不可

近者服之蟲皆化而為水蒼蠅亦不敢近

蟬退

洗淨焙

青黛

澄去灰土各五錢

北細辛

二錢半

蛇退

一兩燒存性

右為細末每服三錢酒調下仍以生寒水石細末

摻之

青黛散 治痘未作膿痛甚心膈煩躁睡卧不安並宜

服之

真青黛如棗核大水調服之即安

樺皮散 治痘瘡及乳癰并一切腫毒

樺皮木剉煎溫服此藥味苦平無毒 若治乳癰取

樺皮燒存性為末酒調服之立消

獨勝散 治早晨微熱晚發大熱目黃脇動身熱手冷發甚如驚者又名牛蒡蠶散

牛蒡子

錢五

白蠶

錢二

紫草

寸二

七

水煎服速進三四服其痘便出蓋蠶治遍身癰疹疼痛牛蒡發痘透肌紫草利竅要知痘疹無虛寒証者服此痘立出也

蘿蔔湯 治痘疹出不快者

右用開花蘿蔔煎汁時時飲之蓋痘疹氣勻即出
快蘿蔔治嗽定喘下氣消脹解毒

紫河車散 治小兒痘瘡毒氣不解上攻咽喉聲音不
出舌頰生瘡遏逆煩悶潮熱面赤

紫河車

即金線
重樓

茜根

貫衆

各三錢

白芍藥

甘草

各

五錢

右每服三錢生薑一片水煎服 一方有牛旁子
野通散 治痘瘡出不快及傷寒不語

乾野人糞

即獼猴糞
火燒存性

冰片

真麝香

各等分

右為細末每服五分看大小用新汲水入蜜調下
十歲以上者服一錢 按野人糞治蜘蛛咬瘡此
治痘出不快大效蓋蜘蛛咬瘡久而不愈其絲生
皮膚延蔓遍身不愈者加雄黃青黛水調以蜘蛛
試之立化為水屢驗蓋此三味是治瘡疹當用之
藥取山中者若人家所養之猴食物味雜即不效
失其本真也

南金散 治痘已出而復癰其勢甚危諸藥不效者萬

無一失本家印貼此方施人全活甚衆

紫背荷葉

霜後搭水
紫背者

白殭蠶

洗去絲
炒乾

右為末等分每服看大小大者一錢小者五分研
芫荽汁和酒下米飲亦可 治此症多有龍腦
人牙者卒難措辦惟此無毒而效且速但紫背者
甚難得可於鹽鋪內尋之

橄欖飲 治倒靨

橄欖從中截斷水服少許服之立發

乳香猪血膏 治痘不起發

乳香

研末

猪心血搗為丸櫻桃大每服一九水磨化下

鈎藤紫草散 治痘疹不快

鈎藤鈎子 紫草茸

等分為細末每服三五分溫酒調下蓋紫草滑竅
利小便散十二經毒氣鈎藤治小兒寒熱十二驚

癰緣驚癰出於心肝瘡疹亦心所主也

鴉片散 治痘當起脹灌膿時泄瀉不止諸藥不效者

如神

真鴉片

一錢蓮肉炒一錢

右每服半分或一分米飲調下立止

葛根黃芩湯 治喘有汗發熱咳嗽

乾葛 黃芩

各二錢

黃連 芍藥

石膏

各一錢

五味子

十一粒甘草 五分

水煎服

五味子湯 治喘促而厥

五味子

一錢半

人參

一錢 麥冬

杏仁

各二錢

右薑三片棗三枚水煎服

清肺飲 治咽乾聲啞

麻黃

一錢半

麥冬

二錢

知母

天花粉

荊芥

各一錢

訶子

菖蒲

各八分

桔梗

二錢

水煎入竹瀝薑汁服

天花散 治痘後失音

天花粉 桔梗 茯苓 訶子 石菖蒲 甘草

各等分 竹葉七片 黃荊一寸 水煎服

補肺散 治痘未出聲啞

阿膠

蛤粉炒成珠一錢半

牛子

炒三分

杏仁

去皮尖三粒

甘草

二分半

馬兜鈴

黃芪

各五分

糯米

炒一錢

水煎食後時時嚥之

利咽解毒湯 治痘咽喉痛首尾皆可用

山豆根

麥冬

各一錢

牛子

炒

玄參

桔梗

各七分

甘草

二分防風

五分 菖豆

九粒

右水煎服

三黃熟艾湯

痘後咽喉塞喉痺

黃連

黃芩

黃柏

艾葉

各等分水煎服

玉鎖匙

咽喉腫痛或帝鍾拖下不收及喉舌強硬

硼砂

錢一 朴硝

五分

殭蠶

條一

冰片

半分

為末吹入

羌活當歸湯 治腰背痛初發熱時便宜服之

羌活 當歸 獨活 錢各一 柴胡 錢一 桂枝 錢七 防風

川芎 黃柏 錢各一 桃仁 紅花 錢各八分

酒水各半煎服 又方治腰痛有蒼朮漢防已

如神湯 治腰痛

當歸 桂皮 玄胡索

各等分為末酒下二三錢

活血解毒湯 治餘毒

防風 荊芥 生地 赤芍 當歸 連翹 牛子

黃連 紫草 甘草 蒼朮 薄荷 川芎 木通

各等分水煎服

胎元散 痘不起發不紅潤是血氣俱虛

胎元焙乾為末加麝香少許酒調服三五分

水楊湯 治痘乾尅不起者

水楊柳

春冬用枝秋夏用枝葉生水邊細葉紅梗枝上有圓巢滿巢有白鬚散出俗名水楊梅

右以枝葉切碎水煎七八沸先將一分置盆內手拭不寒不熱令痘兒先服內托之劑然後浴洗漸漸添湯不致太冷浴洗久許乃以紙撚火照之纍纍然有起勢起處覺有暈暈有系乃漿影也如漿不滿再浴若弱者只浴頭面手足可也既不赤體不厭多洗燈照如無起勢乃氣血敗無生意矣

溫膽湯 治痘血寒顏色灰慘血凝不活腹脇脹滿面青筋縮嘔清水或瀉青菜色

白茯苓 橘紅 半夏 甘草 枳殼炒

各等分 竹茹一錢 薑棗水煎服

陳氏木香散 治痘氣寒鼻流清涕咳嗽惡風自汗身
體寒戰瘡色慘白

木香

臨時磨服

大腹皮

黑豆汁洗淨

人參

各三錢

赤茯苓

前胡

青皮

去穢炒

半夏

炮七次

丁香

訶子肉

炙甘草

各二錢半

燈心

一錢半

每服三錢 薑棗水煎服 看大小加減

中和湯 治同上

人參 黃芪 厚朴薑汁炒 白芷 川芎 當歸

粉草 桔梗 白芍酒炒 肉桂去粗皮 防風 藿香

各等分酒水各半薑棗煎服

瀉肺散 治痘氣熱鼻乾燥皮毛枯槁咳嗽瘡色焦紫

即瀉白散

桑白皮蜜炙 地骨皮 甘草

各等分加竹葉二十片燈心水煎服

清肺飲 治症全前

麥冬

桔梗

各二錢

知母

荊芥

天花粉

各一錢

石菖蒲

訶子肉

各八分

水煎服

清金湯

治口氣臭

知母

黃芩

石膏

桔梗

甘草

天門冬

麥冬

馬兜鈴

木通

山梔

天花粉

各等分水煎服

解毒托裏散 治痘稠密

桔梗 牛旁子 人中黃 防風 荊芥穗 酒紅

花 歸尾 蟬退 升麻 乾葛 赤芍 連翹

去心

各等分水煎入燒人尿調服

四物快斑湯 治痘火盛乾燥

當歸 川芎 赤芍 生地 荊芥穗 牛子

升麻 葛根 連翹 紫草 地骨皮

水煎入燒人尿服

四君快斑湯 治痘氣虛淫濕

人參 黃芪 白朮土炒 茯苓 甘草 桂心 白芷

荊芥穗 防風 陳皮 白芍酒炒

各等分水煎服

大補保命湯 治痘皮嫩易破者

人參 黃芪 當歸 生地 川芎 赤芍 甘草

牛蒡子 防風 荊芥穗 連翹 官桂

水煎入燒人屎服

清金導赤飲 治痘熱乘肺金當痂不痂作喘煩躁譫
語小水不利垂危

當歸 白芍 陳皮 貝母 軟石膏 白茯苓

甘草 黃芩

酒炒

黃連

酒炒

杏仁

桑白皮

蜜炒

枳殼

炒

木通 滑石 麥冬 車前子 人參 玄參

各等分水煎服

人參固肌湯 治痘表發太過致肌肉不密痘痂粘肉
久不落者

人參 黃芪 甘草 當歸 蟬退

各等分入糯米一撮水煎服

人參清神湯 治痘痂不落昏迷沉睡者

人參 黃耆 甘草 當歸 白朮土炒 麥冬 陳皮

酸棗仁 黃連酒炒 茯苓

各等分加棗糯米水煎服

馬齒莧散 治痘痂不落成斑痕者

馬齒莧搗汁猪脂膏石蜜共熬膏塗腫處

當歸桂枝湯 治痘後手足不能屈伸

當歸 川芎 黃芪 甘草 薄桂 黃柏 蒼朮

炒

各等分水煎 如氣虛少加川烏以行經加人參
為主 如感風寒以致骨節疼痛加羌活防風

玄參化毒湯 治痘後赤遊丹毒

玄參 歸尾 紅花 連翹 軟石膏 赤芍 防

風 地骨皮 木通 荊芥穗

各等分加竹葉水煎服

蠶退散 敷牙疳

枯礬

塗

即尿桶中垢也火煨白色

五倍子

各二錢

蠶退

燒存性一錢

為細末先以米泔水用蟬螬蟲翻轉蘸水洗淨瘀血以藥敷之

黃連陰慝丸 治狐惑瘡

黃連

二錢 蘆薈

乾蟾

煨各一錢二分

使君子肉

二錢半

蕪荑

一錢

五川棟子肉 一錢

右末烏梅洗淨去核搗膏和丸米飲下

蜆子湯 治痘後發癰

蜆子不拘多少活者以水養五七日旋取其水洗之
蜆衣煮湯亦佳

十三味敗毒散 治癰毒

當歸 白芷 穿山甲炒 金銀花 防風 乳香製

甘草 陳皮 赤芍 皂角刺 貝母 沒藥製

天花粉

各等分酒水各半煎服

涼肝明目散 痘後羞明

當歸 龍胆草 密蒙花 川芎 柴胡 防風

酒連

各等分雄豬肝煮湯煎服

望月沙散 痘後暗室中不能開者

穀精草 密蒙花

酒洗 蟬退 各五錢 翅足

望月沙

一兩

右為末雄豬肝一兩竹刀批破用藥一錢摻入肝

內水煮熟飲汁食肝效

羊髓骨髓 治痘痂欲落不落癰痕

羊髓骨髓

一兩

煉入輕粉一錢研成膏塗之

小靈丹 解毒發痘之聖藥治紅斑黑陷不起一切危惡如服此而不見效者決無可生之理矣

硃砂 雄黃

各二錢

乳香

沒藥

各製一錢半

大蟾蜍

取心肝瓦

上焙乾 麝香

三分

五錢

為細末取豬心血雞冠血九皂子大每服一九
身無大熱生酒化下 熱甚不飲酒紫草燈心湯
下即時紅活而起

神功散 治痘作渴

人參 黃芪 甘草 牛旁子 紅花 生地
前胡 紫草 白芍

水煎服

紅花湯 治同上

紅花或子隨意煎湯飲其渴即止縱口中如烟飲之
即止 加牛旁子尤妙

加味鼠粘子 治咽中有瘡作嘔

桔梗 射干 山豆根 防風 乾葛 陳皮

荊芥 連翹

水煎細細呷之

燈心竹葉湯 治乾嘔

竹葉 三十片 燈心 三十根

水煎服

潤腸湯 治虛秘

歸梢 甘草 生地 火麻仁 桃仁泥

水煎服

拔毒膏 治痘疔

雄黃 研

胭脂重浸水令濃調雄黃點疔痘上立時紅活亦神法也蓋雄黃能拔毒胭脂能活血也

涼血地黄湯 室女出痘遇經不止熱入血室

當歸 川芎 白芍 生地 白朮 升麻 黃連

甘草 人參 山梔仁 玄參

水煎服

涼血解毒湯 治女人出痘非經期於發熱時而血忽

至

當歸

一錢二分

白芷

五分

升麻

四分

紫草

一錢半

紅花

一錢

桔梗

八分

連翹

三分

燈心二十根水煎服

當歸養心湯 治女人出痘口瘡不能言者

人參 當歸 麥冬 甘草 升麻 生地

各等分加燈心水煎服

瀉肝散 女人經水不斷適逢出痘發熱昏沉言語狂

妄

羌活 川芎 防風各八分 當歸一錢 山梔仁 龍胆草

各五
分 大黃酒蒸三錢

水煎服 一方有木通柴胡黃芩

歸脾湯 女人經閉不通血海乾涸適逢出痘以此調其心脾不使血妄行加柴胡山梔名加味歸脾湯

人參 白朮 茯神 黃芪 遠志 地骨皮

各一錢二

分甘草 分三木香 分五酸棗仁 錢一

薑棗煎服

逍遙散 女人出痘寒熱不時經水不調服此其血不致妄動

白朮 茯苓 當歸 芍藥 甘草 柴胡

各等分加棗一枚水煎服 加丹皮山梔名加味
逍遙散

如聖散 妊婦出痘安胎

白朮 黃芩 當歸 枳殼 黑豆 大腹皮

砂仁 甘草 桑上羊兒藤即桑寄生

各等分水煎服

黑神散 婦人出痘分脫後瘀血作痛

當歸 川芎 熟地 炮薑 桂心 蒲黃炒

香附童便炒 木香 青皮 黑豆

酒水各半煎服

原疹

生生子曰麻疹浙地呼為瘡子又曰沙子吳地呼為疹
子新安呼為麻總由有生初之淫火伏於命門之間
命門具太極之理而陰陽五行繫焉臟腑之所由生
也蓋五行一陰陽陰陽一太極也天之與人咸相感

通由其通故天寒而人身寒天熱而人身熱也天之
癘氣一動則所稟之毒隨感而發陽感之則疹出焉
陰感之則痘出焉陽浮而淺故疹易出易斂陰凝而
深故痘難出難痂陰陽二劫之毒盡出則向安矣余
故曰人之出疹出痘猶蠶之一眠二眠三眠也痘雖
出於陰而實成於陽以氣為之固也疹雖出於陽而
實藉於陰以血為之資也何見之痘非氣行則血不
附安得結痂疹非血濟則氣失依焉能收斂斯陰陽

升降之理一開必一闔血之附氣氣之依血陰根於陽陽根於陰陰陽互為其根也前人謂痘出於臟不知指何臟疹出於腑不知指何腑而云之也又謂疹出心肺故鼻涕而咳嗽余謂此皆臆度套詞而非有真知一定之見也既曰疹出於腑心肺獨非臟乎按內經鼻為肺之門戶通天氣陽毒上發熱毒薰蒸蓋心肺位尊膈上又肺主毛竅毒從竅出是干於肺而非出於肺也要知痘之與疹皆出於命門之陰陽也

右釋麻疹

一發熱之初多似傷寒惟疹則嗽咳噴嚏鼻流清涕眼
泡腫其淚汪汪面浮腮赤惡心乾嘔為異耳但見此
候便宜謹避風寒戒葷腥厚味急表散之使皮膚通
暢腠理開豁而疹毒易出也

一疹痘之發雖曰胎毒未有不由天行癘氣故用藥必
先明歲氣兼之時令如溫暖時月以辛涼發之如防
風解毒湯暄熱時月以辛寒發之黃連解毒湯大寒

月以辛溫熱劑發之桂枝解毒湯時寒時煖以辛平之藥發之升麻葛根湯此因時投劑不可悞作傷寒妄施汗下而伐天和也又須看人虛實如大便秘結煩熱甚而發不出者以酒大黃微利之吐利不止以參芍之類補之

一用前藥發散而疹隨見為美若發不出再加發之如加味麻黃散之類外以芫荽酒糟蒸熱擦之看其疹自頭至足為之出齊頭面愈多為佳若遲延日久而

不出則腹脹氣喘昏眩悶亂煩躁而死矣

一看疹之法多於耳後項上腰腿先見其頂尖而不長其形小而均淨淡紅為吉若色紅甚兼火化也化斑湯主之人參白虎湯佐之如色白者此血不足也養榮湯如色紫赤乾燥暗晦乃火盛毒熾宜六一散解之四物湯加柴胡黃芩乾葛紅花牛旁子連翹之類滋陰涼血而熱自除所謂養陰退陽之義也此亦五死一生之症外大青湯玄參解毒湯皆可選而用之

若黑色者則熱毒尤甚為十死一生之症須明察之
勿妄施治

一表後看疹隱隱然見於肌膚成片切忌風寒生冷如
一犯之則皮膚閉塞毒氣壅滯遂變為渾身青紫而
毒反內攻煩躁腹痛氣喘悶亂諸症作矣欲出不出
危亡立至

一疹已出而忽沒者乃風寒所過而然也若不早治毒
成內攻必致痒癩而死急用消毒飲合升麻湯熱服

則復出而安矣

一發熱之時遍身汗出者此毒從汗散玄府開疹易出
也有鼻中血出者此毒從血解也俱不可遽止之若
汗出太多血出不止者此又火甚逼迫太過致液妄
流妄行矣急宜當歸六黃湯加浮小麥以止汗茅花
湯加玄參百草霜以止血遲則汗出多而元氣虛血
出多而精神散為不治之症矣

一發熱之時或嘔吐或自利或滯下者此火邪內逼毒

氣上行則吐下行則利毒甚則裏急後重而為滯下也吐者竹茹石膏湯利者升麻澤瀉湯滯下黃芩芍藥湯加黃連生地木通人參枳殼或少加大黃微下之

一發熱之時未有不口渴者但宜以藟豆燈心炒米湯飲之人參白虎湯佐之取生津解毒而已若恣飲冷水恐生水畜之症故水入於肺為喘為咳宜用葶藶子以洩肺中之水水入於脾為腫為脹為自利水入

於胃為嘔為利宜用猪苓澤瀉茯苓以瀉脾胃之水
水入於心為悸為驚宜赤茯苓燈心湯以洩心下之
水水入於肝為脇痛用芫花以洩之水入腎與膀胱
為小便不利為陰囊腫用車前子木通以洩之皆當
隨症而治

一疹出之時咽喉腫痛不能飲食者此毒火拂鬱上薰
也宜甘桔湯加玄參牛蒡連翹更以十全散玉鎖匙
吹之不可妄用鍼出血也

一疹出之際咳嗽口渴心煩者此毒在心肺發未盡也
瀉白散加天花粉連翹玄參黃連以瀉之或黃連杏
仁湯

一疹出之時自利不止或瀉稀水頻數者有吉有凶但
要看其疹若遍身稠密太盛或紫色或紅色此則為
吉蓋毒在大腸非瀉則毒不解惟用平胃散加葛根
連翹以解之而已疹一發透依期而收瀉自止也若
疹已收而瀉猶未止者驗其體熱疹必未盡再用前

藥加連翹黃連牛蒡木通澤瀉以分利之六一散亦
妙絕若用訶子肉果等澁滯之劑則變喘急腹滿痞
脹不治之症矣若疹色淡而體不熱口不渴大小便
利飲食少進此為凶乃虛寒之症方可溫補或兼收
澁

一疹出常以六時辰即收為率如子時為陽午後收午
後為陰子後即收乃陽生陰成陰生陽成造化自然
之妙也故漸出而漸收者其勢輕可若一出之後熱

不退連綿三四日而不收者此毒火太盛外發未盡
內有餘邪所致須以化斑湯三味消毒飲加玄參石
膏桔梗為治

一疹出後自然熱退若遍身既出而猶拂拂煩熱頻作
嘔吐者此毒尚未盡留連於脾胃之間宜化斑湯如
大便秘少加大黃微利之

一疹已收去渾身反發熱日夜不退此毒未盡解邪火
鬱於肌肉之間久則毛髮焦乾皮膚枯槁肌肉消瘦

為骨蒸癆瘵之症宜蘆薈肥兒丸加龍胆草當歸連翹等治之遲則有變睡則露睛口鼻氣冷手足厥逆瘕癥慢脾風為不治之症矣

一疹收之後身雖不見羸瘦但時發壯熱煩躁不寧搐掣驚悸神昏悶亂者此陰血衰耗致餘毒入肝而傳於心也宜養血安神四物湯加麥門冬酸棗仁淡竹葉燈心甘草石菖蒲龍胆草茯神黃連辰砂為治或以前藥為末用飣餅猪心血為丸服亦可

一疹毒入胃久而不散致成牙齦黑爛血出為走馬疳傳於兩頰浮腫久而穿頰破腮缺唇破鼻為崩砂狐惑等危症矣外用文蛤散雄黃散搽之內用人中白蘆薈使君子龍胆草黃連五靈脂飴餅為丸滾水服之以清胃火亦或有得生者但不多見也

一疹出之時曾作瀉痢未經清解至疹退之後變為休息痢不問赤白裏急後重日夜無度此餘毒在大腸也須分虛實治之實者三黃丸利之或香連丸和之

後用黃芩湯虛者從補

一疹退之後微微咳嗽者此餘毒未盡也用清肺飲加
消毒飲主之若咳甚氣喘連聲不住名為頓嗽甚至
飲食湯水俱噎出或咳出血者此熱毒乘肺而然也
宜多服麥門清肺飲加連翹若見胸高如龜背作喘
血從口鼻出搖頭面色或白或青或紅或枯黯
者乃不治之症然亦有肺氣為毒所遏而發喘連聲
不已但無嗽咳血出噎食之症者宜用清肺飲倍加

人參治之尤不可拘於肺熱之一端而純用清肺解毒之藥

一疹退之餘聲啞不出或咳或喘或身熱不退以致日久而不愈者此熱毒未盡肺金受尅故也宜清金降火湯加竹瀝薑汁主之

一疹退之後飲食如常動止如故而卒然心腹絞痛遍身汗出如水者此因元氣虛弱失於補養外雖無病裏實虛損偶然為惡氣所中謂之中惡此朝發夕死

之症間有用蘇合香丸而甦者

一疹退之後有餘熱未盡或發癰毒肢節疼痛者以羌活散微汗微利

一疹退之後有餘熱未盡或熱甚而失血者犀角地黄湯合解毒湯或四物湯加茵陳木通犀角之類以利小便使熱氣下行而愈

一疹收之後餘熱未盡日夜煩躁譫語狂亂者辰砂益元散燈心湯下或辰砂五苓散加苓連治之若初起

煩躁譫語者升麻葛根湯調辰砂益元散主之

一麻疹一症比之出痘似輕然調治失宜其禍反不旋踵蓋痘由胎毒而發其形勢多少輕重吉凶自可預斷至疹之出則雖由感受邪氣而發然其輕者可重重者可輕皆在於調治有方故其飲食禁忌比痘尤甚若誤食雞魚則終身皮膚粟起如雞皮之狀但遇天行出疹之時又令重出誤食猪肉則每歲出疹之月必然下痢膿血誤食鹽醋致令咳嗽則每臨出疹

之月必復咳嗽誤食五辛之物則生驚熱不時必待
四十九日或百日後方無禁忌也

一孕婦麻疹但當以四物湯倍加白朮條芩艾葉安胎
清熱為主使胎無虞而疹易沒也如胎氣上衝急用
苧麻根艾葉煎湯磨枳榔并服之更多服上藥為妙
一熱毒薰胎胎多受傷而母實無恙也蓋疹與痘不同
痘宜內實故胎落而母亡疹宜內虛故胎下而母安
雖與其胎去而母存孰若子母兩全之為愈也

麻疹輕重不治三症要訣

或熱或退五六日而後出輕 發透三日而暫沒者輕
頭面多而勻淨色澤者輕 頭面不出者重 紅紫
暗燥者重 咽喉腫痛不食者重 冒風沒早者重
移熱大腸變痢者重 黑暗乾枯一出即沒者不治
鼻扇口張目無神者不治 鼻清糞黑者不治 心
前吸氣喘者不治

水痘症

夫水痘亦類傷寒之狀身熱二三日而出或咳嗽面赤
眼光如或噴嚏或唾涕與正痘不同易出易靨不宜
燥濕苟或燥之恐結痂多變成瘡之症

麥湯散 古本只此一方或作湯服亦可

地骨皮 活石 甘草 各五分 甜葶藶 麻黃 大黃

知母 羌活 人參 各一錢

右為末每服五分用小麥七粒煎湯調下

防風葛根湯 治痘發癰疹 及疹麻發熱

防風 葛根 升麻 赤芍 甘草

各等分水煎服

防風解毒湯 治麻痘初發熱如時令溫煖用此辛涼之藥發之

防風 薄荷 荊芥 石膏 知母 桔梗 牛子
甘草 連翹 木通 枳殼 竹葉 燈心
各等分水煎服

黃連解毒湯 治麻痘初發熱如時令暄熱用此辛寒

之劑發之

黃連 黃芩 黃柏 山梔 牛蒡子 甘草 防

風 荊芥 知母 石膏 桔梗 玄參 木通

薑三片水煎服

桂枝解毒湯 治麻痘初熱如時令大寒用此辛溫熱之劑發之

桂枝 麻黃酒炒 赤芍 防風 荊芥 羌活 甘草

桔梗 人參 川芎 牛子

生薑水煎服

升麻解毒湯 治麻痘初熱如時煖時寒用此辛平之劑發之

升麻 葛根 羌活 人參 柴胡 前胡 甘草
桔梗 防風 荊芥 牛旁子 赤芍 連翹
竹葉

水煎服

加味麻黃散 麻痘發不出以此發之

升麻

酒洗

麻黃

炒

人中黃

牛旁子

蟬退

各等分水煎服

化斑湯

治麻痘色紅

人參

知母

石膏

甘草

牛旁子

連翹

升麻

地骨皮

竹葉

糯米

水煎服

養榮湯

治麻痘色白

人參

當歸

紅花

赤芍

桂水炒

甘草

水煎服

大青湯 麻痘紫赤暗晦乾燥

玄參 大青 桔梗 人中黃 知母 升麻

石膏 木通 梔子仁

水煎入燒人屎服 如大便秘加酒大黃

茅花湯 治麻痘鼻衄

茅花 歸頭 丹皮 生地 甘草

各等分水煎服

竹茹石膏湯 治麻痘嘔吐

橘紅 半夏 石膏 白茯苓 竹茹 甘草

右水煎服

升麻澤瀉湯 治麻痘自利

猪苓 澤瀉 滑石 赤茯苓 甘草 黃連

酒炒

升麻

各等分水煎服

黃芩芍藥湯 治麻痘滯下

條芩

錢三

白芍

升麻

各二錢

甘草

錢一

水煎服

十全散

麻症咽喉腫痛

黃芩

黃連

黃柏

苦參

各酒炒一錢

玄胡索

三分

礪砂

乳香

製各二分

孩兒茶

雄黃

各五分

共為細末每用少許吹入

蘆薈肥兒丸

麻後發熱日夜不退肌肉消瘦骨蒸癆

瘵

蘆薈 龍胆草 木香 蚰皮 人參 麥芽炒使

君子肉

錢各二

檳榔

黃連

酒炒

白蕪荑

錢各三

胡黃連

錢五

右末豬胆汁糊為丸黍米大每服五六十丸米飲

下

文蛤散 麻毒入胃牙肉黑爛出血走馬疳症

雄黃

錢五

五倍子

錢二

枯礬

分五

蠶退紙

燒存性

錢一

右細末米泔水洗淨以藥搽之

雄黃散 治同上

雄黃

錢一

黃柏

錢二

麝香

分一

先用艾湯淨洗後搽藥

麥冬清肺飲 麻後咳嗽出血或噎湯水

知母 貝母 天門冬 桔梗 甘草 杏仁

牛蒡 石膏

煨

馬兜鈴

蜜水炒

糯米

右水煎服

清火降火湯 麻後熱乘肺金聲啞不出或咳或喘

當歸 白芍 生地 陳皮 貝母 瓜蒌仁 甘

草 白苓

枯苓

酒炒

山梔

炒

玄參

天冬

麥冬

杏仁

桑白皮

石膏

紫蘇梗

酒連

右各等分薑一片水煎服


生生子曰麻疹咳嗽喘急每用痘門中大小無比散每服五七分大者一錢即刻喘定而睡醒後神安氣和而愈屢用屢驗乃熱毒從小便出也

加減四味升麻湯 此升發之劑但一二帖則止不可過表

升麻 葛根 赤芍 甘草 防風 桔梗 紫蘓
蒼朮 陳皮 枳殼 柴胡

薑棗煎服

水痘赤痘即此一服而愈不必他方雜治



赤水元珠卷二十八